

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1011 del 13/04/2023

Traduzione in ladino

Musees etnografics, aproé i criteries per i recognoscer

La Jonta provinzièla, aldò de la proponeta del assessor a l'istruzion, università e cultura Mirko Bisesti, l'ha aproà i “Criteries per recognoscer i musees etnografics”. “N mudament de emportanza – sotrissea l assessor – che revèrda n patrimoniè aprijià del Trentin che ge dèsc valor a la storia, identità, cultura dal post e deida a tegnir su la scomenzadives e i servijes sporc da la comunitàdes e a mantegnir l raion atratif per sie sentadins e ence per i fores che vegn en ferie”.

I musees etnografics, che à desche obietif chel de tegnir su e ge dèr valor ai elemenc materièi e no materièi de la cultura dal post, de la usanzas populères e del folclor, di dialec, de la cognoscenzes e de la gestion de l'agricoltura, di bos e de la besties e del teritorie, che revèrda soraldut la partezipazions coletives per gestir i bens publics e tegnir su la tradizions, la cianties e la museghes, che l é, tant per la cantità che per la densità, na pèrt emportanta de la perferida culturèla del raion trentin. Sparpagné fora sul raion e nasciui ence de grà a la scomenzadiva siantiva de la jent, de gropes o de sociazions, chisc musees i é, per la comunanzes dal post, na ocasion emportanta de enrescida e valorisazion de la tradizions populères del raion, per socialisèr e emparèr.

Per rejonèr di musees etnografics l é jà stat scontrèdes olache l é vegnù fora l'emportanza de la sociazions che laora per chesta realtàdes; e se perviet de endrezèr de outra scontrèdes.

Musees picoi, regoetes, sic de enteress etnografich desche molins, fojines, sies, mèlghes, ciuciaes, i é stac dombré del 2022 da la Unità de miscion scempia de la rei etnografica, di musees picoi e ecomusees de la Provincia autonoma de Trent. Aldò di ejic de chest dombrament, l é stat troà fora i criteries per i registrèr te la lingia di musees etnografics che l é sul raion de la provinzia. Do che l é stat aproà chisc criteries, vegnarà tout su la domanes de enscinuazion da man di musees etnografics teritorièi e di sogec che à enteres. Dapodò, n avis aposta l darà l met de tor pèrt a la spartijion di finanziamenc – 100.000 euro en dut per vigni an, l 2023 e l 2024 – che l é stat metù a la leta per tegnir su i musees etnografics.

Traduzion di Servijes Linguistics e Culturèi del Comun general de Fascia

(cdt)